

ԳԻՏՈՒԹՅՈՒՆ ԼՐԱՏՈՒ

ԳԻՏԱԿԱՆ ՍԵՍԻԱ, ՆՎԻՐՎԱԾ ԺԱՄԱՆԱԿԱԿԻՑ ԲՈՒՐԺՈՒԱԿԱՆ ՓԻԼԻՍՈՓԱՅՈՒԹՅԱՆ ՔՆՆԱԴԱՏՈՒԹՅԱՆԸ

1958 թ. դեկտեմբերի 22-ին տեղի ունեցավ Հայկական ՍՍՌԻ ԳԱ Փիլիսոփայության սեկտորի դիտական սեսիան՝ նվիրված ժամանակակից բուրժուական գաղափարախոսության տարբեր ընդհանրացումների քննադատությանը: Զեկուցումներով հանդես եկան սեկտորի վարիչ Հ. Ասլանյանը, սեկտորի գիտական աշխատողներ՝ Է. Մարգարյանը, Յա. Պաշիկյանը, Ս. Ղազարյանը և Պետական համալսարանի դասախոս Գ. Բրուսյանը: Սեսիայում կարգադրված զեկուցումներում քննարկվում էին բուրժուական փիլիսոփայության, սոցիոլոգիայի, դեդաղիստության տարբեր հարցեր:

Հ. Ասլանյանը իր «Բուրժուական սոցիոլոգիայի սնանկացումը և պատմական պրոգրեսը» թեմայով զեկուցման մեջ, քննադատելով բուրժուական սոցիոլոգիայի ռեակցիոն ներկայացուցիչներին, ցույց տվեց, որ նրանք ժողովրդական մասսաների միտքը թմրեցնելու և կապիտալիստական քայքայվող ու մեռնող կարգերի կյանքը երկարացնելու նպատակով ըստ էության ժխտում են պատմական պրոգրեսը:

Հ. Ասլանյանը բուրժուական ռեակցիոն սոցիոլոգիային հակադրեց հասարակության զարգացման մասին մարքս-լենինյան միակ դիտական, ՍՍՌՄ-ում և ժողովրդական Դեմոկրատիայի երկրներում սոցիալիզմի կառուցման պրակտիկայով հաստատված ուսմունքը:

Սեսիայում լսվեց Է. Մարգարյանի զեկուցումը, որը նվիրված էր լուրջ կուլտուրաների-քաղաքակրթությունների Շպենդլեր-Թոյնրիի տեսության քննադատությանը: Թոյնրին ժամանակակից բուրժուական սոցիոլոգիայի խոշոր ճանաչված ներկայացուցիչներից մեկն է: Ընկ. Մարգարյանը համոզիչ կերպով ցույց տվեց, որ բուրժուական աշխարհում այդքան մեծարված նրա պատմա-փիլիսոփայական կոնցեպցիան մեր օրերում Շպենդլերի ռեակցիոն ուսմունքի կրկնությունն է: Նա, քննադատական վերլուծության ինքնակենտրոն Շպենդլեր-Թոյնրիի հայացքները միանգամայն, իրավացի կերպով հանդեպ այն եզրակացության, որ այդ փիլիսոփաները կապ չեն տեսնում պատմության տարբեր ժամանակաշրջաններում սկզբնավորված ու զարգացած կուլտուրաների միջև, քաջառում են պատմական պրոգրեսի միասնությունն ու անընդհատությունը:

Սեսիայում «Ժամանակակից բուրժուական արվեստի և գեղագիտության ապահովման խնդրացումը» թեմայով լսվեց Յա. Պաշիկյանի զեկուցումը: Բաղմաթիվ փաստերով նա ցույց տվեց, որ կապիտալիստական աշխարհի ժամանակակից բուրժուական արվեստը հասարակության ու խաղաղության գործին նպաստելու փոխարեն մարդատյացության է քարոզում և կոչ է անում հրաժարվել մարդը արվեստի հիմնական օբյեկտը զարմնելուց: Ժամանակակից բուրժուական հետադիմական արվեստը բոլորովին հեռացել է ռեալիզմից:

Սեսիայում զեկուցում լսվեց նաև ժամանակակից փիլիսոփայական ռեգիոնիզմի մասին: Զեկուցող ընկ. Ս. Ղազարյանը բաղմաթիվ փաստերի հիման վրա ցույց տվեց, թե ինչպես ռեգիոնիստները աղավաղում, խեղաթյուրում են մարքս-լենինյան փիլիսոփայության հիմնական դրույթները: Համեմատության միջոցով զեկուցողն ընդգծեց, որ ժամանակակից ռեգիոնիզմը կրկնում է բուրժուական գաղափարախոսության դրույթները, որ ռեգիոնիստները փորձում են պրոլետարիատի ուսմունքի մեջ ներմուծել խորթ բուրժուական գաղափարներ և դրանով իսկ ներսից քայքայել, ջլատել բանվորական շարժումը:

Ռեգիոնիզմի, նրա դրսևորման բոլոր ձևերի դեմ, եղրակացնում է զեկուցողը, պետք է անհաշտ և հետևողական պայքար մղել:

Սեսիայի վերջին ղեկուցման թեման էր «Փիլիսոփայական հիմնական հոսանքների պայքարի զրոստորումը Վենետիկի 1938 թ. փիլիսոփայական միջազգային կոնգրեսում»։ Զեկուցումով հանդես եկավ այդ կոնգրեսի մասնակից Գ. Բրուստյանը։ Պատմելով կոնգրեսի աշխատանքների և առաջ քաշված հարցերի մասին, Գ. Բրուստյանը ունկնդիրների ուշադրությունը հրավիրեց կոնգրեսում աչքի ընկած մի փաստի վրա՝ Նա ասաց, երբ անհրաժեշտ էր լինում պայքարել մարքսիզմի ուսմունքի որևէ դրույթի դեմ, ապա բուրժուական փիլիսոփայության բոլոր ուղղությունների ներկայացուցիչները անմիջապես միավորվում էին, այնպես որ դժվար էր լինում դանդաղանել, թե բուրժուական որ ուսմունքի դիրքերից են նրանք հանդես գալիս մարքսիզմի դեմ։ Այս հանգամանքը, երբեք, ղեկուցողը, մի ավելորդ անգամ ընդգծում է բուրժուական և պրոլետարական դադափառախոսություն միմյանց նկատմամբ անհաշտելի լինելը։

Սեսիայում լսված ղեկուցումներում բարձրացված հարցերի շուրջը տեղի ունեցավ մեքերի փոխանակություն, որին մասնակցեցին Ա. Հովհաննիսյանը, Վ. Չալոյանը և Ա. Նիկողոսյանը։ Ողջունելով սեկտորի նախաձեռնությունը, նրանք ընդգծեցին այն հանգամանքը, որ սեսիայում լսված ղեկուցումները շատ ակտուալ էին և ունեին քաղաքական նպատակասլացություն։ Ընկերներ Հովհաննիսյանը և Նիկողոսյանը ուրախությամբ նշեցին նաև, որ սեսիան վկայում է Փիլիսոփայության սեկտորի աճը, որն այժմ ունի այնպիսի հասուն և կարող կազմեր, որոնք ի վիճակի են բարձրացնել ու լուծել շատ ակտուալ հարցեր։

Գ. Գ.